



ISUMAQATIGIISSUT

Sulinermik Inuussutissarsiuqartut Kattuffiata

aamma

Rodebay Fish ApS-ip akornanni

2023 - 2026

Imasai

§ 1 - Isumaqatigiissutip atuuffii.....	3
§ 2 - Piffissaq suliffiusoq.....	3
§ 3 - Akissarsiat.	4
§ 4 - Soraarnerussutisiaqalernissamut akiliutit akilerneqartarnerallu.....	4
§ 5 - Qaangiuttoorneq aamma qaangiuttoornermut taarsiullugu sulinngikkallarneq.....	5
§ 6 - Napparsimaneq.....	6
§ 7 - Suliartoqquneqaratarsinnaanermut tapisiat.....	7
§ 8 - Tapisiat immikkut ittut.	8
§ 9 - Sapaatini nalliuttunilu tapit aamma nalliuttuni ulluinnartigoortuni pisartakkat.	8
§ 10 - Piffissani nikingasuni sulinermut paarlaattarlunilu sulinermut tapisiat.....	9
§ 11 - Atisat isumannaallisaatit il.il.	10
§ 12 - Qanoq sivistigisumik sulisimanermut tapisiat.....	10
§ 13 - Nioqutissiorneq siuarsarniarlugu akissarsialersuineq.....	11
§ 14 - Suliamik unitsitsigallarneq.	12
§ 15 - Assuarlersinnaatitaaneq.	13
§ 16 - Akissarsiat tunniunneqartarnerat.	13
§ 17 - Sulinngiffeqarneq sulinngiffeqarnerisutillu.....	13
§ 18 - Aningaasaateqarfiit.	14
§ 19 - Toqkkut qimagaanersiutit.	15
§ 20 - Meeqqap napparsimanerani sulinngikkallarsinnaanerit.....	15
§ 21 - Meeqqap napparsimanerani sulinngikkallarnerit allat.	16
§ 22 - Qinikkatut pisortanillu toqqakkatut suliassaqartitaaneq.....	16
§ 23 - Sulinngikkallarnerit immikkut ittut allat.....	17
§ 24 - Naartuneq, ernineq qitornavissiartaarnerlu	18
§ 25 - Aaqqiagiinngissutit assigiinngitsuliorlunilu soraarsitsinerit.	19
§ 26 - Sulisut sinniisaat pillugit malittarisassat.	19
§ 27 - Soraarnuteqarnermi soraarsitsiniarnermilu siumut ilisimatitsivissat.	19
§ 28 - Piffissaq isumaqatigiissutip atuuffia.....	21

§ 1 - Isumaqatigiissutip atuuffii.

Isumaqatigiissummi matumani pineqarput nioqqutissiornermi suleqataasut tamarmik kiisalu laboratorieassistentit nalunaaquttap-akunnermusialittut Rodebay Fish ApS-imi atorfinitsinneqartut.

Imm. 2. Atorfinitsitsisoqartassaaq atorfinitsitsinermi allagartaq nalinginnaasooq illuatunge-riinnit akuerisaasooq naapertorlugu. Atorfinitsitsinermi allagartaqarpoq aalajangersimasumik sulisunut aamma atorfinitsitaagallartunut.

§ 2 - Piffissaq suliffiusooq.

Piffissaq suliffiusooq nalinginnaasooq tassaavoq tassaavoq ullut 7-t ingerlaneranni nalunaaquttap-akunneri 40-t, taakku naatsorsorneqassallutik ataasinngornermit sapaat ilanngullugu. Allamik isumaqatigiissuteqartoqarsimangippat piffissaq suliffik tassaavoq sapaatip-akunnerata ulluini siullerni arfinilinni nal. 06.00-ip 17.00-illu akornanni, aammalu sapaatip-akunnerani tullermi nioqqutissiornerup aallartinnerani sapaatini nal. 14.00-mit 23.00-mut. Sapaatip-akunnerata ulluisa arfineq-marluusut ilaat nalinginnaasumik ullut marluk sulisunut ataasiakkaanut sulingiffiupput.

Imm. 2. Piffissap qanoq ilinerani sulisarnissaq suliffiup pisariaqartitsinera eqqarsaatigalugu sulisitsisumit aalajangerneqartassaaq sulisorisat taakkulu sulisutut sinniisaat oqaloqatigeerlugit.

Imm. 3. Unioqqutitsisumik sulingitsoornerit akissarsiatigut ilanngaatigineqartassapput piffissamilu akissarsiffimmi tamarmi suliarortarnermut bonusi peerneqartassalluni.

§ 3 - Akissarsiat.

Ima akissarsitsisoqassaaq:

<u>Nioqutissionermi</u>	1. april 2023	1. april 2024	1. april 2025
<u>sulisunut</u>	Nal. Akun.	Nal. Akun.	Nal. Akun.
18-it sinnerlugit ukiullit	115,00	118,00	121,00
18-it inorlugit ukiullit	73,07	76,07	79,07

Imm. 2. Ima akissasititsisoqassaaq:

<u>Laboratorieassistentit</u>	1. april 2023	1. april 2024	1. april 2025
<u>akunnermusiallit</u>	Nal. Akun.	Nal. Akun.	Nal. Akun.
Over 18 år	127,07	130,07	133,07
Under 18 år	80,12	83,12	86,12

Imm. 3. Tamatuma saniatigut suliarortarnermut bonusisiaqassapput piffissami akissarsiffimmi tamakkiisumi unioqutitsisumik sulinngitsoorsimangitsut tamarmik.

§ 4 - Soraarnerussutisiaqalernissamut akiliutit akilerneqartarnerallu.

Isumaqatigiissut una malillugu sulisut soraarnerussutisiaqalernissamik aaqjissuussinermut SIK-mut atuuttumut ulloq 1. januaari 1994 pilersinneqartumut ilaapput.

Soraarnerussutisiaqalernissamik aaqjissuussinermut akiliutit naatsorsorneqartassapput 1. aprili 2023 aallarnerfigalugu akissarsianit tamarmiusunit, taamattaq bonusiaritinneqartunit/akkordernersiaritinneqartunit, tapeqartitsisoqarsimappallu taakkunanngattaq:

Sulisitsisup akileeqataassutai	8,77 %
Sulisup akileeqataassutai	4,23 %
<hr/>	
Katillugit	13,00 %

Imm. 2. Akiliutit qaammammut ataasiarluni SISA-mut akilerneqartassapput. Ulloq akiliiffissaq kingusinnerpaaq tassaavoq qaammammi ullut qulingat.

§ 5 - Qaangiuttoorneq aamma qaangiuttoornermut taarsiullugu sulingikkallarneq.

Qaangiuttoorneq sapinngisamik pingitsoorniarneqassaaq. Suliffiup nalinginnaasup avataatigut qaangiuttoornermi § 2 imm. 1 naapertorlugu, nalunaaquttap-akunnersiamut imaluunniit bonusisiamut/akkordernersiamut tapisiaqartitsineqassaaq, qaangiuttoorneq peqqussutaasimappat qaangiuttoornertullu nakkutigineqarluni. Nalunaaquttap-akunnerinut tamanut tapeq § 3 naapertorlugu nalunaaquttap-akunneranut akissarsiap 50 procenteraa.

Imm. 2. Qaangiuttoornissaagaluq sulingikkallarinnigortinneqarsinnaavoq sulisup sulisitsisullu isumaqatigiinneratigut. Sulingikkallarnermi qaangiuttoornermassaagaluit sulingikkallarnermik taarserneqartassapput nalunaaquttap-akunnerisa qaangiuttoorfissaagaluit nalingannik piffissaq 50 procentimik ilallugu. Sulingikkallarfissaq katersorneqassaaq nalunaaquttap-akunnerisa affaasa aallartinneri tamaasa.

Imm. 3. Qaangiuttoornermut tapisiaq sulingikkallarnermut/qaangiuttoornermassat tunniunneqartassaaq aatsaat piffissami akissarsiaqarfimmi suliffissaq tamakkerlugu suliffigineqareersimappat.

Imm. 4. Sulineq piffissaq akissarsiaqarfik tamakkerlugu sivilissuseqarsimangippat piffissaq suliffik tamakkiisoq, imm. 3 naapertorlugu, naatsorsorneqassaaq ullut nalinginnaasumik sulif-

fiusut gangerlugit nalunaaquttap-akunnerinik 8-nik.

Imm. 5. Qaangiuttoornissaq ilimasaarutigineqassaaq kingusinnerpaamik ullup suliffiup naa-nissaa nalunaaquttap-akunnerinik 5-inik sioqqullugu. Ilimasaarinngitsoortoqarsimappat nalunaaquttap-akunneri qaangiuttoorfippiaat saniatigut qaangiuttoornermut nalunaaquttap-akunneranik ataatsimik akiliisoqassaaq.

Imm. 6. Nalunaaquttap-akunneri 4 sinnerlugit qaangiuttoornerit ullormut suliffissaatitat nalinginnaasut avataatigut, qaangiuttoorfippiaat saniatigut qaangiuttoornermut nalunaaquttap-akunneranik ataatsimik akiliisoqassaaq.

Imm. 7. Sulisartoq nalinginnaasumik piffissap suliffiusartup avataatigut suliartoqquneqarpat - suliffiup qimanneqareerneratigut imaluunniit ulluni suliffissaanngikkaluartuni - minnerpaamik akissarsiaritineqassaaq nalunaaquttap-akunnerini 4-ni sulineq, tamatumalu saniatigut nalunaaquttap-akunneranut 1-imut sulineq akilerneqassaaq.

§ 6 - Napparsimaneq.

Sulisooq napparsimanini pissutigalugu sulisinnaanngippat tamanna akuerisaasumik sulinngitsoornertut isigineqassaaq, tamannali pisinnaanaani sulisooq sulitilluni piaaraluni mianersuaalliorujussuarnikkulluunniit napparsimalersimappat imaluunniit atorfinitsitaanermini napparsimanini peqqusersusaarluni nipangiussimappagu.

Imm. 2. Napparsimanerup nakorsamit uppersaaserneqarnissaa sulisitsisup piumasarisinnaavaa. Nakorsamit uppersaasiatip piniarnera sulisitsisumit akilerneqassaaq.

Imm. 3. Sulisut nalunaaquttap-akunnermusiallit tamakkiisumik sulisorineqartut SIK-mut ilaasortaasut napparsimanermik nalaani ullormusiaqartinneqassapput, apeqqutaalluni sulisooq

napparsimalernissani sioqqullugu ataavartumik sivikinnerpaamik ulluni 30-ni sulisorineqarsimanersaq.

Imm. 4. Napparsimanermit ullormusiaqartitsisoqartassaaq ullormit sulisinnaajunnaarfimmit siullermit. Napparsimanermit ullormusiassat akilerneqartassapput sapaatip-akunneranut ullunut arfilinnut. Napparsimanermit ullormusiaqartitsisoqarsinnaavoq sivisunerpaamik sapaatip-akunnerini 26-ni qaammatit 12-it tullerit ingerlaneranni. Sulisinnaajunnaarnerli sulitilluni ajoqusernermik pissuteqarpat napparsimanermit ullormusiaqarneq sapaatip-akunnerinik 13-inik sivitsorneqarsinnaavoq.

Imm. 5. Napparsimanermit ullormusiaqartitsineq unissaaq ullormit sulisup sulisinnaaqqilerfianni, sulisoq ingerlaanaq sulilingikkaluarpalluunniit aammalu peqqissinini nalunaarutigingitsooraluarpaguluunniit. Ullormusiaqartitsinerli ingerlaannassaaq sulisup illoqarfimmi allami suliffimmi inissisimaffingisaani katsorsartissimalluni aqutissaq siullerpaaq atorlugu suliffigisaminut uterluni sulisinnaaqqilernissaata tungaanut.

Imm. 6. Napparsimanerup nalaani soraarsitaanermit ullormusiaqartitaanissamut pisinnaati-taanerq atuutissaaq ulloq suliuunnaarfissaq tikillugu.

Imm. 7. Napparsimanermit ullormusiat 150,00 kr.-iupput tunniunneqartassallutillu sulisut SIK-mut ilaasortat akissarsiffigisartagaat malillugit.

Imm. 8. Atornerluisoqartillugu aqqissuussinerit sulisunut ataasiakkaanut atorunnaarsinneqassapput.

§ 7 - Suliartoqquneqaratarsinnaanermut tapisiat.

Sulisartunut suliassanik nakkutigineqarsinnaanatilluunniit nakkutigiuminaatsunik qaangiut-tooruteqartartunut suliartoqquneqaratarsinnaanermut tapisiaqartitsisoqarsinnaavoq mak-

kuningga taarsiullugu:

1. Qaangiuttoornermi tunniuttakkat § 5-mi taaneqartut,
2. Sapaatini nalliuttunilu sulinermi tunniuttakkat § 8-mi taaneqartut kiisalu
3. Nikingasumik sulinermi tunniuttakkat § 9-mi taaneqartut.

Suliartoqquneqaratarsinnaanermut tapisiap angissusia aalajangerneqartassaaq illuatungeriit isumaqatigiissuteqartartut isumaqatigiinniareerneratigut.

§ 8 - Tapisiat immikkut ittut.

Immikkut ittumik pissutissaqartoqartillugu sulisitsisup sulisullu sinniisaata isumaqatigiinniareernerisigut sulisartog inuttut tapisiaqartinneqassaaq.

§ 9 - Sapaatini nalliuttunilu tapit aamma nalliuttuni ulluinnartigoortuni pisartakkat.

Sapaatini nalliuttunilu sulinermi nalunaaquttap-akunneranut akissarsiat taperneqartassapput. Tapisiap § 3 malillugu nalunaaquttap-akunnermusiap 50 procenterissavaa. Sulineq qaangiuttoorneruppat taaneqareersup saniatigut § 5, imm. 1 naapertorlugu qaavatigut qaangiuttoornermut tapisialiisoqassaaq imaluunniit § 5, imm. 2 naapertorlugu qaangiuttoornissaa-galuamut taarsiullugu sulinngikkallartitsineqassalluni.

Imm. 2. Ullut uku nalliuttutut isigineqarput:

- a) Ukiortaaq, 1. januaari
- b) Kunngit pingasut ulluat (nal. 12-ip kingorna), 6. januaari,
- c) Sisamangorneq illernartog,
- d) Tallimangorneq tannaartog,

- e) Poorskip ullua aamma Poorskip ulluisa aappaat,
- f) Nunani tamalaani sulisartut ulluat 1. maaji (nalliuttut ulluinnartigoortut ilivitsumik akilerneqassaaq),
- g) Tussiarfissuaq,
- h) Qilaliarfik,
- i) Piinsip ulluisa aappaat,
- j) Inuiattut ullorsiorfik, 21. juuni, (ulloq tamaat)
- k) Juulliaraq, 24. decembari
- l) Juullip ullua, 25. decembari
- m) Juullip ulluisa aappaat, 26. decembari
- n) Ukiutoq, 31. decembari

§ 10 - Piffissani nikingasuni sulinermit paarlaattarlunilu sulinermit tapisiat.

Piffissaq suliffik piffissat suliffissaatitaasut § 2, imm. 1-mi taaneqartut avataaniippat, imaluunniit paarlaattarluni sulineq atorneqarpat tapiissutit makku tunniunneqassapput:

- a) Nal. 15.30-p 01.00-llu akornanni nalunaaquttap-akunneranut 8,00 kr.
- b) Nal. 01.00-p 06.00-llu akornanni nalunaaquttap-akunneranut 20,00 kr.

Imm. 2. Piffissami nikingasumi paarlaattarluni sulinermi qaangiuttoornersitsinissamut taarsiullugu sulinngikkallartitsisoqartassaaq § 5 imm. 2 naapertorlugu imaluunniit qaangiuttoornersitsisoqassalluni § 5 imm. 1 naapertorlugu, § 5 imm. 1 naapertorlugu tapiissutisiasanut taarsiullugu.

Imm. 3. Kisianni paarlaattarluni sulilluni qaangiuttoornermi paarlaannerit aappaannit pingajuannillu siviuserusumik imm. 1 malillugu paarlaannermit tapisiaq kingulleq tunniunneqassaaq aammalu qaangiuttoornissaagaluumut taarsiullugu sulinngikkallartitsineqassalluni § 5

imm. 2 naapertorlugu imaluunniit qaangiuttoornermut tapisitsisoqassalluni § 5 imm. 1 naapertorlugu.

§ 11 - Atisat isumannaallisaatit il.il.

Sulisitsisup akeqanngitsumik aaqqatit, kamippaat sullisit, oqorsaait, saaliaqutit gummit assigisaallu sulisartunut akeqanngitsumik atugassiissutigissavai, isumannaatsuunissaq eqqiluisaarnissarlu pillugit tamakku atortariaqarmatigit.

§ 12 - Qanoq sivilutigit sumik sulisimanermit tapisiat.

Nalunaaquttap-akunnermusiamut imaluunniit suliaortarnermut bonusiamut qanoq sivilutigit sumik sulisimanermit ima tapiissuteqartoqassaag:

- a) Sulisartooq suliffimmi tassanerpiag atasuinnarmik sulereersimappat
ukiumi ataatsimi 8,00 kr.
- b) Ukiuni 5-ini sulereersimanermit 9,00 kr.
- c) Ukiut 8-ini sulereersimanermit 11,00 kr.
- d) Ukiut 12-ini sulereersimanermit 12,00 kr.
- e) Ukiut 15-it sinnerlugit sulereernermit 15,00 kr.

Imm. 2. Qanoq sivilutigit sumik sulereersimanermit tapisiaq tunniunneqartassaaq suliffimmi tassanerpiag sulisuusimaneq tunngavigalugu. Sulisartup sulisitsisullu isumaqatigiinneratigit suliffimmut allamat toqqaannartumik nuuttut tapisiaasarilersimasatik piginnassavaat.

Imm. 3. Sulisitsisumi tassanerpiag sulisuunnarsimaneq tunngavigalugu qanoq sivilutigit sumik sulisimanermit katersat piginnarneqassapput feeriarluni, napparsimalluni, ernineq qitornavissiaartaarnerlu pissutigalugit kiisalu inuiaqatigiinni qinikkatut sullissineq pissutigalugu sulingikkallarneni.

Imm. 4. Nutaamik atorfinitsitsinermi atorfinitsitseqqinnermilu imm. 2 naapertorlugu sulisitsisup sulisullu akornanni isumaqatigiissutaasimangitsuni tamatigut trin 1-imut inissiisoqartassaaq, kisianni imm. 1 a) naapertorlugu.

§ 13 - Nioqqu tissiorneq siuarsarniarlugu akissarsialersuineq.

Illuatungeriit isumaqatigiissutigaaq nioqqu tissiorneq siuarsarniarlugu akissarsialersuerialersuinaatsinik sapinngisamik annerpaamik atuisoqassasoq, pingaartumik bonusisitsisarneq akkordertitsisarnerlu eqqarsaatigalugit. Bonusisitsisarneq/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aqqissuussinermi atuutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Nalunaaquttap-akunneranut akissarsiap ilaa aalajangersimasooq.
- b) Akissarsiap ilaa allanngorartooq (bonusitut tapisiaq) nalunaaquttap-akunneri suliffiit ataasiakkaat tamaasa naammassisaqarnerulernermik tunngaveqartooq.

Imm. 3. Bonus/akkorderluni suliaqarnermi siumoortumik akissarsitsisoqartassaaq sulisartup pineqartup § 3 naapertorlugu nalunaaquttap akunneranut akissarsiassaasa amerlaqataannik, bonus/akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaanngikkaangata. Taamatut siumoortumik akissarsiap bonus/akkordimik naatsorsuinerup naammassinerani ilanngaatigineqartassapput.

Imm. 4. Bonusinik aqqissuussinerni aamma ataatsimoorluni akkordernermi, allamik isumaqatigiissuteqartoqarsimangippat, bonusisiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piimasaavoq suliaq ajunngitsumik naammassineqar-nissaa aammalu sakkut nalinginnaasut saniatigut atorussat sakkussallu pisariaqartut piareersi-

manissaat. Utaqqineq, atortussanik sakkussanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartoorneq sulisartut ataasiakkaat nalunaaquttap-akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allanngortinneqarpat sulisartuq nalunaaquttap-akunnermusiaassaminik kiisalu sulinerup allanngortinneqarnerata kingunerisaannik sivitsortoornermut tapisiassaminik pisassaqtitaavoq.

Imm. 5. Teknikkikkut atortorissaarutit nutaat allalluunniit naatsorsuinerit tunngavissanik allanngortitsippata illuatungerit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaqqinnissaannik piumasaqarnerissaminut. Isumaqatigiittoqarsinnaanngippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorlugit nalunaaquttap-akunnermusiaqarluni suliassatut akissarsiaqaatigineqalissapput.

Imm. 6. Misiligutaasunik nioqqutissioerni atugassarititaasussanik allanik, aamma akissarsianik aalajangersaasarneq pillugu isumaqatigiissuteqartoqarsinnaavoq isumaqatigiissutit atuuttunit allaanerusunik.

§ 14 - Suliamik unitsitsigallarneq.

Sulisartuq sulinerit nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinerit akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpuunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliaruqusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, sulinivtulli akissarsitinneqassapput, minnerpaamilli nalunaaquttap-akunnerinut sisamanut.

§ 15 - Assuarlersinnaatitaaneq.

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissisi-manissaa aamma arfininngornermi sulinngiffeqartarnissamik aaqqissuussinerit pillugit kissaa-tigisimasaat suliffeqarfimmut iluaqutaasussanut akornutaanngitsumik pinissaannik naammat-tumik tunngavilersorneqarsimangitsut.

Imm. 2. Nalornissutigineqalerpat sulisoq §§ 5-imit 11-mut taaneqartunik akissarsissutissaqar-tinneqassanersoq, sulisullu sinnisaat aqutugalugu tamanna pillugu saaffiginnissutit naam-maginatartumik angusaqarfiunngippata, suliassaq illuatungeriit isumaqatigiinniarnertigut aala-jangiivigineqassaaq.

§ 16 - Akissarsiat tunniunneqartarnerat.

Piffissaq akissarsiaqarfiusoq ullunik 14-inik sivisussuseqarpoq, naatsorsorneqartassalluni ata-asinngornermit sapaatip-akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akis-sarsianik nakkartitsiviusinnaasoq nalunaarutigissavaa. Akissarsiasat tiguneqarsinnaalissap-put piffissap akissarsiaqarfiup naanerata kingornatigut tallimanngornermi.

Imm. 3. Ulloq nalinginnaasumik akissarsiffissaq nalliuttuusimappat ulluinnarni nalliuttup siu-liani akissarsisitsineqassaaq.

§ 17 - Sulinngiffeqarneq sulinngiffeqarnerisutillu.

Sulisartut sulinngiffeqarneq pillugu Inatsisartut inatsisaat nr. 10, 12. novembari 2001-imeer-sumi, Inatsisartut inatsisaatigut nr. 12-ikkut 30. oktobari 1992-imeersukkut allanngortinne-

qartumi, malittarisassat tunngavigalugit ukiumoortumik sulingiffeqarnissaminut pisinnaati-taaffeqarput.

Imm. 2. Inaatsisartut inatsisaanni § 1, imm. 2 naapertorlugu malittarisassat immikkut ittut matuma kinguliiniittut isumaqatigiissutigineqarput.

- Sulisartuq pisinnaatitaavoq akissarsiarisimasat 12 procentiat sulingiffeqarnerisutis satut katersussallugu.
- Sulingiffeqarnerisutininik pisassanik piunasaqarneq sulisitsisumut saqqummiunne qassaaq kingusinnerpaamik ukiup sulingiffeqarfiup naaneranit qaammatit pingasut qaangiutsinnagit. Taamaattoqarsimangippat aningaasat SIK-p Sulingiffeqarnermut Aningaasaateqarfianut ingerlatinneqassapput.

§ 18 - Aningaasaateqarfiit.

Aningaasaateqarfiit uku ima akiliuteqarfigineqassapput 1. aprili 2023 atuutilersussamik:

- Qaammarsaanermit Ilinniartitaanermullu Aningaasaateqarfik nalunaaquttap-akunneranut suliffiusumut ataatsimut 0,85 kr.-imik.
- Sulingiffeqarluni Angalanermit Aningaasaateqarfik nalunaaquttap-akunneranut suliffiusumut ataatsimut 0,85 kr.-imik.
- Isumaginninnikkut Aningaasaateqarfik nalunaaquttap-akunneranut suliffiusumut ataatsimut 0,80 kr.-imik.

§ 19 - Toqkkut qimagaanersiutit.

Sulisartog atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarimasaanut qimagaanersiutit uku tunniunneqassapput:

Rodebay Fish ApS-mi sulisimagaanni:

- Ukiumi 1-imi..... Sap. ak. 4-ni akissarsiassat.
- Ukiuni 2-ni..... Sap. ak. 8-ni akissarsiassat
- Ukiuni 5-ini sivilisunerusumillu: Sap. ak. 12-ini akissarsiassat.

§ 20 - Meeqqap napparsimanerani sulingikkallarsinnaanerit.

Sulisog piffissaq tamakkerlugu imaluunniit piffissap ilaannaani akissarsiaminik annaasaqar-nani sulingikkallarsinnaatitaavoq meeqqap ukiukitsup napparsimanerani ulluni marlunni paarsinissaminut.

Imm. 2. Sulingikkallarsinnaatitaanermi piumasaqaataavoq sulisartup suliffimmi taannaasumi qaammatit 3-it ataannartumik sulisimanissaa.

Kommenterede [SM1]: Amigaataavoq qanoq sivilisutigisumik

Imm. 3. Napparsimanernik allattuiffimmi ilanngunneqassapput meeqqap napparsimanerani ullormi siullermi sulingissimanernik paasissutissat.

Imm. 4. Atornerluinermi aqqissuussineq sulisunut ataasiakkaanut atortussaajunnaarsinneqarsinnaavoq.

Imm. 5. Akissarsianik annaasaqaataangitsumik sulingikkallarnermi nalunaaquttap-akunneranut akissarsiaqartitsisoqassaaq ullormi pineqartumi nalunaaquttap akunneranut akissarsiat nalinginnaasut aallaavigalugit, tapisiallu aalajangersimasut ilanngullugit.

Imm. 6. Sulisut qaammatini arfinilinni sulereersimasut qaammatisiutit malillugit ukiumut ilivitsumut ullunik isumaginniffinnik marlunnik pisinnaatitaapput.

§ 21 - Meeqqap napparsimanerani sulinngikkallernerit allat.

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlarsimaffimmi imaluunniit illoqarfimmi allami unittariaqalernerani sulisoq qaammatini arfinilinni sulereersimaguni periarfissinneqassaaq ullut aqqaneq-marluk tikillugit akissarsiaminik annaasaqarani sulinngikkallarnissaminut, meeqqap napparsimmavimmut unitsitaanerani Peqqinnissaqarfiup akiligaanik angalanermi ingiallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerit ingiallortitullu angalaqataanerit uppersarneqassapput.

Imm. 3. Immikkut illuinnartumik pissutissaqartillugu nakorsamillu uppersarneqarpat sulinngikkallarnek sivitsorneqarsinnaavoq ullut tallimat tikillugit.

§ 22 - Qinikkatut pisortanillu toqqakkatut suliassaqtitaaneq.

Isumaqtigiissut manna tunngavigalugu sulisut pisariaqartitsineq tunngavigalugu akissarsiaqarnatik sulinngikkallarsinnaatitaapput makkuninnga suliqaarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisuinut ilaasortaaneq,
- d) atuarfiit siulersuisuinut imaluunniit sunngiffimmi ataatsimiititaliamut ilaasortaaneq,
- e) kredsdommeriuneq,

- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliassaqartitaanerit allat pisortanit suliakkiutigineqartut SIK-p Inuusut-taasa siulersuisuinut, sulinermik inuusutissarsiuteqartut soraarnerussutisiaqaler-nissamut aningaasaateqarfiata SISA-p siulersuisuinut ilaasortanut, SIK-p Peqati-giiffiini siulersuisuinut ilaasortanut imaluunniit SIK-p siulersuisuunerinut ilaasor-tanut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagaluartumi qaangiuttoornerisiaqarfissaq sioqqullugu pisoq sumiginnaanertut isigineqassanngilaq. Suliffimmit qimagussimanissaq sapinngisamik sioqqutsilluarluni suli-sitsisumut nalunaarutigineqartassaaq.

§ 23 - Sulinnikkallarnerit immikkut ittut allat.

Sulisut ilaqttamik qanigisamik perulullutik napparsimaneranni, toquneranni ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulin-gikkallarsinnaatitaallutik malittarisassat matuma kinguliiniittut naapertorlugit:

Sulisunut sivikinnerpaamik qaammadini 6-inni suliffeqarfimmi sulisooreersimasunut qinnute-qaateqareernikkut ilaqqat qanigisat ilisaaneranni akissarsiatik nalinginnaasut pigiinnarlugit sulinngikkallarsinnaatitaapput ulluni suliffiusuni qulini. Taamatuttaaq angalanermut akiliuss-isoqassaaq ilaqqat qanigisat perulullutik napparsimaneranni, toquneranni ilisaanerannilu, ilisineq Kalaallit Nunaanni illoqarfimmi nunaqarfimmiluunniit allami imaluunniit Danmarkimi pisussaappat. Sulinnikkallarnernut siuliini taaneqartunut nalinginnaasumik angalanerup si-visussusia ilanngunneqartassaaq.

Imm. 2. Sulinnikkallarnissamik aamma akiliunneqarluni angalanissamik qinnuteqaat allagan-gorlugu sulisitsisumut tunniunneqassaaq.

Imm. 3. Qanigisanik oqarnermi pineqarput angajoqqaat, aapparizat katissimasat taakkunungaluunniit naligitinneqartut, qitornat qatanngutillu, kisiannili pineqanngillat aapparizap katissimasap tassungaluunniit naligitinneqartup ilaqutai.

Imm. 4. SIK-p siulersuisuunerinut ilaasortat SIK-p siulersuisuunerisa ataatsimiinnerinut peqataanerminnut atatillugu akissarsiaqarlutik sulingjissinnaatitaapput amerlanerpaamik ukiutumut sisamariarlutik, taamattaarlu aamma SIK-p Inuusuttaasa, SIK-p Peqatigiiffiisa aamma sulinermik inuussutissarsiuteqartut soraarnerussutisiaqalernissamut aningaasaateqarfiata SISA-p siulersuisuinut ilaasortanut, SIK-p Ataatsimeersuarnerinut Nakkutilliisoqarfiatalu ataatsimiinnerinut atatillugu. Sulingikkallarnerup nalaani akissarsiat naatsorsorneqassapput pineqartup nalinginnaasumik nalunaaquttap-akunneri suliffigisagai nalinginnaasumillu nalunaaquttap-akunneranut akissarsiarisartagai tunngavigalugit, tapisiat aalajangersimasut ilanngullugit.

Imm. 5. SIK-p Inuusuttaasa siulersuisuinut, SIK-p Peqatigiiffiini siulersuisunut aamma SIK-p siulersuisuunerinut ilaasortat kissaatigippassuk akissarsiaqarnatik sulingikkallarnissartik, tamanna akuerineqartariaqarpoq. Taamatut sulingikkallartitsisoqarsinnaavoq ukiut ataasiakkaarlugit.

§ 24 - Naartuneq, ernineq qitornavissartaarnerlu

Sulisoq akissarsiaqarluni sulingiffeqarsinnaavoq naartunermut, erninermut qitornavissartaarnermullu atatillugu Inatsisartut inatsisaat sukkulluunniit atuuttoq malillugu.

§ 25 - Aaqqiagiinngissutit assigiinngitsuliorlunilu soraarsitsinerit.

Aaqqiagiinngissutit Naalackersuisut aamma SIK-p tunngaviusumik isumaqatigiissutaanni malittarisassat naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliorloqassanngilaq. Tamanna pillugu aaqqiagiinngissutit tunngaviusumik isumaqatigiissummi qulaani taaneqartumi malittarisassat naapertorlugit suliarineqartassapput.

§ 26 - Sulisut sinniisaat pillugit malittarisassat.

Isumaqatigiissut manna malillugu sulisuusut sulisut sinniisaat pillugit Naalackersuisut, Finansministeriap aamma SIK-p isumaqatigiissutaannut qaqugukkulluunniit atuuttumut ilaapput.

§ 27 - Soraarniuteqarnermi soraarsitsiniarnermilu siumut ilisimatitsivissat.

Atorfeqarnermi qaammammi siullermi sulisitsisoq sulisartorluunniit pisussaataaangillat atorfeqarnermik unitsitsinissamat tunngatillugu siumut ilisimatitsereernissamat.

Imm. 2. Nioqutissiornermi sulisunut atuupput soraarsitsinissamik/soraarnissamik siumut ilisimatitsereernissamat piffissarititat uku qaammammi siullermi atorfeqarnerup kingornatigtut:

Nalunaaquttap akunnermusialinnut.

	<u>Sulisitsisumit:</u>	<u>Sulisartumit:</u>
ukiuni siullermi (qaammat siulleq pinnagu)	Sap. ak. 2	Ullut 3
ukiuni 2-ni, 3-ni, 4-ni 5-nilu	Sap. ak. 4	Sap. ak. 2
Kingornatigut:	Sap. ak. 6	Sap. ak. 3

Imm. 3. Soraarniuteqarnermut/soraarsitsinermut siumoortumik ilisimatitsinissamut piffissarititaasut imm. 2-miittut sulisunul suliffeqarfimmi ataatsimi kipisaqattaanngitsumik suliffeqar-simasunut atuupput. Pissutsilli makku kipititsisutut naatsorsuunneqanngillat:

- a) napparsimaneq erngerluni kingusinnerpaamillu nalunaaquttap-akunnerisa 24-t qaangiutinnginneranni suliffimmut nalunaarutigineqartoq,
- b) naartuneq, ernineq qitornavissartaarnerlu pillugit Inatsisartut inatsisaat naapertorlugu qimagussimaneq,
- c) suliamik unitsitsineq maskiinat uninnerannik, atortussanik amigaateqalernermik, nioqqutissiassanik amigaateqalernermik assingusunilluunniit pissuteqartoq, sulisoq neqeroorfigineqarluni suleqqilersimappat.

Imm. 4. Soraarsitsinissamut siumoortumik ilisimatitsissuteqarnissamut piffissarititaasut atorrunnaassapput sulisup paarsinerlunneratigut imaluunniit suliamik unitsitsineq, atortussanik amigaateqalerneq pisullu allat sunniuteqarfigisinnaanngisatut isigineqartut (force majeure) pissutigalugit suliunnaarnikkut ingerlatsineq tamakkiisumik ilaannakortumilluunniit unippat.

Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia.

Sumiiffimmi isumaqatigiissut manna kingumoortumik atuutilerpoq 1. aprili 2023.

Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaammatinik pingasunik siumut ilisimatitseeerluni, siusinnerpaamilli 31. marsi 2026.

Ilulissat ulloq 27. oktobari 2023

Sulinermik Inuussutissarsiuqartut Kattuffiat

Rodebay Fish ApS

Jokum Zeeb

Siulittaasup tullia

Peter Magnussen

Allaffissornermi pisortaq